

Kitaani sinerissatsinni qassutikut qallorneqarnissaannut suliniutissatut pilersaarummik UKA2019-mut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Akissuteqaat

(Naalakkersuisut Siulittaasuat)

Aappassaaneerneqarnera

Naalakkersuisut Eqqissisimatitsinermut Avatangiisinullu Ataatsimiititaliaq isumaliutissiissusiarisimasaat pillugu qutsavigiumavaat. Naalakkersuisut maluginiarpaat ataatsimiititaliap allannguutissatut siunnersuutertik tamarmik isumaqatigiillutik innersuutigigaat. Aammattaaq tassunga atatillugu ataatsimiititaliap siunnersuusiarisimasaralua siulleq, Naalakkersuisuniit Demokraatiniillu aamma allannguutissanik siunnersuusiorfigineqarsimagaluartoq, itigartikkaat.

Naalakkersuisut ataatsimiititaliap oqaaseqaataat tusaatissatut tiguaat, tassunga ilanngullugu ataatsimiititaliap kissaatigigaa iliuuseqarfissatut pilersaarusiame kitaani tunumilu najugaqarfinnut qanittuni piniariartarfiit ilanngunneqassasut, aammattaaq iliuuseqarfissatut pilersaarusiame qulaajarneqassasoq kikkut najugaqarfinni assigiinngitsuni salinissamut akisussaasuunersut.

Naalakkersuisut taamatut oqarlutik ataatsimiititaliap allannguutissatut siunnersuusiai tapersorsorpaat siunnersuutillu suliarineqarnissaa Inatsisartunut ingerlateqqillugu.